

इवनिंग डोगरी न्यूज़ बुलेटिन

समे-18:15 Hrs

<><><><><><>

## Headlines

- 1 प्रधानमंत्री ते बीजेपी दे वरिष्ठ नेता नरेंद्र मोदी होरें दोष लाया जे कांग्रेस, धार्मिक आरक्षण आहिन्यै संविधान गी बदलना चाहंदी ऐ।
- 2 कश्मीर दे आई.जी.पी होरें आखेआ ऐ जे घाटी च होने आले त्रौनें चरणें दे चुनां लेई सुरक्षा दे निगर बंदोबस्त कीते गेदे न।
- 3 डोडा दे डिप्टी कमिशनर हरविंद्र सिंह ते एसएसपी जावेद इकबाल होरें जिले दे 45 हज यात्रिएं दे समूह गी झंडी दस्सियै श्रीनगर लेई रवाना करोआया।
- 4 भारत ते ब्रिटेन बश्कार कल नमीं दिल्ली च सलाना रणनीतिक गल्लबात होई। राश्ट्री सुरक्षा सलाहकार अजीत डोभाल ते ब्रिटेन दे उंदे जोड़ीदार टिम बैरो होरें सांझे तौर पर इस बैठक दी प्रधानता कीती।

<><><><><><>

## PM-Interview

प्रधानमंत्री ते बीजेपी दे सीनियर नेता नरेंद्र मोदी होरें दोष लाया ऐ जे कांग्रेस धार्मिक आरक्षण आहिन्यै संविधान गी बदलना चाहंदी ऐ। खबरें आले इक प्राईवेट चैनल गी दित्ते गेदे इंटरव्यू च मोदी होरें आखेआ जे उंदी सरकार संविधान गी बदली देग। उनें आखेआ जे अभिव्यक्ति दी आजादी च तरमीम करियै कांग्रेस पैहले संविधान दी भावना पर हमला करी चुकी दी ऐ। मोदी होरें आखेआ ऐ जे धर्म, जाति जां पंथ दी बिनाह उपपर कुसै कन्नै कोई फर्कोफर्की नेई होनी लोडचदी। मोदी होरें आखेआ जे सैम पितरोदा हुंदे आस्सेआ भारतीयें बारै कीती गेदी हालिया टिप्पणी कांग्रेस दी मानसिकता गी दर्शांदी ऐ। उनें आखेआ जे भारत जनेय

मुलख च जित्थे लोक कृष्ण भगवान दी पूजा करदे न, उत्थे लोकें गी काले-गोरे कन्नै कोई लैना-देना नेई ऐ।  
उनें आखेआ जे भारत गी अनेकता च एकता दा आशीर्वाद मिले दा ऐ।

<><><><><><>

### PM-Akshay Tritya

प्रधानमंत्री नरेंद्र मोदी होरें अक्षय तृतीया दे पावन मौके पर देशै दे लोकें गी मुबारकबाद दिती ऐ। सोशल मीडिया  
दी इक पोस्ट च श्री मोदी होरें मेद जताई ऐ जे एहू पवित्र ध्याडा लोकें गी नेकी दी बत्ता पर टुरने दी प्रेरणा देग ते  
हर कुसै दे जीवन च नमीं उर्जा ते जोश भरोग।

<><><><><><>

### LG-Greetings

लेफ्टिनेंट गवर्नर मनोज सिन्हा हेरें जम्मू-कश्मीर दे लोकें गी भगवान परशुराम जयंती ते अक्षय तृतीया दे  
मौके पर मुबारकबाद दिती ऐ। इक संदेश च उनें आखेआ ऐ जे भगवान परशुराम होर सच्चाई, दलेरी ते दया  
दे प्रतीक न ते उंदा जीवन सदा-सदा मनुक्ख जाति दा मार्गदर्शन करदा रौहग। एल.जी होरें कामना कीती ऐ  
जे एहू पवित्र ध्याडा सब्बनें दे जीवन च रमानदारी, खुशहाली ते खुशियां लेइयै औग।

<><><><><><>

### IGP

कश्मीर जोन दे इंस्पेक्टर जनरल वी.के विरदी होरें अज्ज गलाया ऐ जे कश्मीर च होने आहले चुनाएं लेई व्यापक  
सुरक्षा बवस्था कीती गई ऐ, जेदे च अंतर जिला जांच चौकियां ते क्षेत्र नियंत्रण शामिल ऐ। अपने दफ्तर च पत्रकारें  
कन्नै गल्ल करदे होई आई.जी.पी होरें गलाया जे कश्मीर च चुनां रमानदारी कन्नै तोड़ चाढने लेई ते वोटर दी वृद्ध  
थमां बद्द शमूलियत गी यकीनी बनाने लेई ब्बै लोडचदे प्रबंध कीते गेदे न। आई.जी.पी होरें गलाया जे सुरक्षा  
प्रबंधें लेई लोडचदी हर तैयारी मुकम्मल कीती जाई चुकी दी ऐ ते पुलस ते केंद्री बल अंतर जिला जांच चौकियें ते  
क्षेत्र नियंत्रण उप्पर निगार तक्क रक्खा र'दी ऐ। उनें गलाया जे कश्मीर च त्रौनें गेडें च होने आहले लोकसभा

चुनाएं च शांतिपूर्ण माहौल गी यकीनी बनाने दी हर मुमकन कोशश कीती जाग। आई.जी.पी होरें गलाया जे सुरक्षा तैनाती चुनां आयोग दे निर्धारित प्रारूपें तैहत गै कीती गई ऐ। उनें गलाया जे अस्स चुनां आयोग दे तैय दिशा-निर्देशें दी पालमा करा रने आं ते एहदे तैहत सुरक्षा दे निगगर बंदोबस्त च लोकसभा चुनां औंदे 13 मई गी शुरू होआ रदे न, उत्तरी कश्मीर च 19 मई ते दक्खनी कश्मीर च 25 मई गी वोट पाए जाडन।

<><><><><><>

### Padma Shri Jammu

राश्ट्रपति द्रौपदी मुर्मू होरें कल डुगगर दे लोक कलाकार रमालो राम होरें गी नमीं दिल्ली च पद्मश्री पुरस्कार भेंट कीता। आकाशवाणी दे जम्मू संवाददाता मुजब रमालो राम होरें गी डोगरी लोक गीत 'गीतडू' दा संस्थापक मन्नेया जंदा ऐ। उनें अपनी मेहनत ते निष्ठा कन्नै 'गीतडू' ते 'भाख' लोक शैली च नमीं जान भरी ऐ। उनें 'गीतडूएं' दी फुहार नां कन्नै इक कताब बी प्रकाशित कीती दी ऐ।

<><><><><><>

### DC-Jammu

जम्मू दे डिप्टी कमिशनर सचिन कुमार वैश्य होरें कल पीडब्ल्यूडी विभाग दे अफसरें कन्नै मीटिंग लोआइये बक्ख-बक्ख शिडक परियोजनाएं दी मौजूदा स्थिति दा जायजा लैता। डिप्टी कमीशनर होरें कम्में गी पूरा करने लेई रणनीति बनाने ते पैहल दी बिनाह पर कीते जाने आले कम्में बारे पता लाने लेई गलाया तां जे लोकें दिएं जरूरतें गी बेहतर ढंगै सिर पूरा कीता जाई सकै। उनें कम्में दे मयार गी बनाई रखने दे महत्व गी उजागर कीता ते अफसरें गी हिदायत कीती जे ओहू पैहल दी बिनाह पर कीते जाने आले कम्में गी तरजीह देन। उनें लोकें दी मंगें गी पैहले हल करने लेई गलाया। डीसी होरें होरें कम्में गी सुचारू ढंगै सिर पूरा करने लेई कुसै बी रूकावट जां होर कुसै समस्या गी हल करने दी जरूरता पर जोर पाया। उनें कम्में गी समें सिर पूरा करने लेई सरबंधी लोकें गी प्रेरित करने पर बी जोर पाया।

<><><><><><>

### DoT-Telecom

दूर-संचार विभाग नै मुल्लख भरै च साईबर अपराधें च इस्तेमाल होए दे 28 ज्हार 200 मोबाइल फोनें गी ब्लॉक करी देने दे निर्देश दूर संचार सेवा प्रदान करने आहिलए कंपनिं गी जारी कीते न। दूर संचार विभाग नै इनें मोबाइल फोनें कन्नै जुडे दे 20 लक्ख कनैक्शनें दी फी जांच दे बी निर्देश दित्ते न ते जांच नाकाम होने दी सूरतै च इनें कनैक्शनें गी कट्टी देने दिआं हिदायतां बी दित्तियां न। दूर संचार मंत्रालय नै आखेआ ऐ जे केंद्री गृह मंत्रालय, दूर संचार विभाग ते बक्ख-बक्ख राज्यें दिएं पुलसें दे सांझे जत्ते कन्नै साईबर अपराधिं दे नेटवर्के गी तबाह करने ते नागरिकें गी डिजिटल धोखाधड़ी थमां बचाने च मदाद थ्होग।

<><><><><><>

### Doda-Hajj

डोडा दे डिप्टी कमिशनर हरविंद्र सिंह ते एसएसपी डोडा जावेद इकवाल होरें अज्ज डोडा थमां 45 हज यात्रियें गी श्रीनगर लेई झंडी दस्सिये खाना कीता। इनें 45 हज यात्रुं शा 23 यात्रि डोडा थमां, 4 भद्रवाह, 7 ठाठरी ते 1 गंदोह थमां न। साहडे संवाददाता कन्नै गल्ल करदे होई डी.सी हरविंद्र सिंह होरें गलाया।

<><><><><><>

### India-UK

भारत-बरतानिया बश्कार सलाना सामरिक गल्लबात कल नमीं दिल्ली च होई। भारत दे राश्ट्री सुरक्षा सलाहकार अजीत डोभाल होर बरतानिया दे राश्ट्रीय सुरक्षा सलाहकार टिम बैरो हुंदे कन्नै इक मीटिंग दी सह-अध्यक्षता कीतीफ। मीटिंग दरान व्यापक सांझ-भ्याली ते कुलसंसारी सुरक्षा चुनौतिं बारे चर्चा कीती गेई। विदेश मंत्रालय दे प्रवक्ता रंधीर जयसवाल होरें आखेआ जे मीटिंग दा मुख् ध्यान प्रौद्योगिकी ते सुरक्षा सरबंधी पैहलकदमिं पर हा, जेहडी दपक्खी सरबंधै ते सांझ-भ्याली गी होर तगडा करने च महत्वै आली भूमका नभा'रदा ऐ। उनें आखेआ जे दौनें मुल्लखें आपसी हितें आले इलाकाई ते कुलसंसारी मुद्दें पर बी चर्चा कीती। साडे संवाददाता मूजब भारत ते बरतानिया बश्कार 2004 थमां गै रणनीतिक सांझ-भ्याली ऐ। दौनें मुल्लखें बश्कार बपार, अर्थबवस्था, सेहत, विज्ञान-टेक्नोलाजी, रक्षा, सुरक्षा, दौनें मुल्लखें दे लोके बश्कार आपसी सरबंध ते जलवायु परिवर्तन सनें मते पक्खें आले बक्ख-बक्ख मुद्दें पर बी बहु-आयामी सरबंध न। उनें भारत-ब्रिटेन सरबंधी दपक्खी मुद्दें उप्पर बी गल्लबात कीती।



## Parshuram Jayanti Jammu

भगवान परशुराम जयंती दे मौके पर अज्ज पराने जम्मू शैहरा च भव्य शोभा जात्तरा कड्डी गई। डोगरा ब्राह्मण प्रतिनिधिसभा आस्सेआ आयोजित इस शोभा जात्तरा च केई संगठनें बी हिस्सा लैता। जम्मू मुंसिपल कारपोरेशन दे साबका मेयर मेयर राजेंद्र शर्मा ते डोगरा ब्राह्मण सभा दे प्रधान वेद प्रकाश शर्मा होर बी इस मौके पर मजूद हे। शोभा जात्तरा मोदी बतार, पक्का डंगा, धोन्थली बजार, पंजतीर्थी ते कच्ची छौनी इलाके चा होइयै लंग्घी। इस शोभा जात्तरा च दर्जन भर झांकियां शामिल ना। डोगरा ब्राह्मण सभा दे प्रधान वेद प्रकाश शर्मा ते साबका मेयर राजेंद्र शर्मा होरें इस मौके आखेआ।



## Reasi

धार्मिक सद्भाव दी इक मिसाल कायम करदे होई रियासी जिले दे दो मुस्लिम भ्रायें गुलाम रसूल ते गुलाम मोहम्मद नै 500 बरे पराने हिंदू मंदरै लेई 4 कनाल शां बी बहू जमीन खेरल पंचैत दे मंदरै गी देई दिती ऐ। इस जमीन दी कीमत 1 करोड़ शा बी बहू दस्सी जा'रदी ऐ। इस जमीन दी मदद कन्नै मंदरै लेई शिडक रावता कायम कीता जाग। स्हाडे संवाददाता कन्नै गल्ल करदे होई गुलाम रसूल, गुलाम मोहम्मद ते मंदर दे पुजारी विशन स्वरूप होरें दस्सेया।



## DC-Doda

डोडा दे डिप्टी कमिशनर हरविंद्र सिंह जेडे जे एम.जी नरेगा दे जिला प्रोग्राम कोआर्डिनेटर बी हैन, होरें कल इक मीटिं लोआइये 2023-24 योजना तैहत हासल कीती दी प्रगति दी समीक्षा कीती। डिप्टी कमिशनर होरें इस दौरान जाँब कार्ड धारके गी समें उप्पर मजूदगी देने ते बकाया भुगतान गी तयशुदा समें अंदर गै जारी करने लेई गलाया। डी.सी होरें भद्रवाह च कम्म करा रदे ग्राम स्तरें दे कार्यकर्ताएं गी निर्देश जारी कीते जे ओहू कोई बी

कम्म, बोका ते प्रधान दी इजाजत बगैर नेई लैन। उनें सब्बनें पंचैतें च साफ-सफाई गी यकीनी बनाने लेई बी आखेआ। मीटिंग दौरान प्रधानमंत्री आवास योजना कन्नै जुडे दे मामले ते इस स्कीम तैहत घरें दी जियो टैगिंग सरबन्धी मुद्दे उप्पर चर्चा कीती। इस दौरान एहू जानकारी बी दित्ती गई जे 91 ज्हार जॉब कार्ड जारी कीते गेदे न जेदे शां 87 ज्हार लोक इस्सलै कम्म करा रदे न।

<><><><><><>

## SC-Kejriwal

सुप्रीम कोर्ट नै कथित शराब घोटाला मामले कन्नै जुडे दे काले धनै गी जायज बनाने दे मामले च दिल्ली दे मुखमंत्री अरविंद केजरीवाल होरें गी 21एं दिनें दी अंतरिम जमानत देई दित्ती ऐ। सर्वोच्च अदालतै केजरीवाल होरें गी 7एं चरणे आले लोकसभा चुनाएं दे खत्म होने दे इक दिनै परैत 2 जून गी आत्मसमप्रण करने लेई बी आखेआ ऐ। केजरीवाल होरें जारी लोकसभा चुनाएं लेई प्रचार करने गित्तै जेल थमां रिहाई दी मंग कीती ही। जस्टिस संजीव खन्ना ते दीपांकर दत्ता हुंदी पीठ नै आखेआ जे केंद्री जांच एजेसी प्रवर्तन निदेशालय नै अगस्त 2022 च केजरीवाल खलाफ मामला दर्ज कीता हा पर इस बरे 21 मार्च गी उनेंगी गिरफ्तार कीहू कीता।

<><><><><><>